



ქალაქ ქუთაისის მუნიციპალიტეტის მერიის პირველადი სტრუქტურული  
ერთეულის – სოციალურ საკითხთა სამსახურის ანგარიში (პერიოდი:  
2023 წელი – 2024 წლის 1-ლი კვარტალი) გაწეული მუშაობის შედეგად

### 2023 წელი

ქალაქ ქუთაისის მუნიციპალიტეტის საკრებულოს 2022 წლის 28 დეკემბრის №55 დადგენილების  
საფუძველზე, ადგილობრივი ბიუჯეტის ფარგლებში დამტკიცებულ იქნა 31 სოციალური და ჯანდაცვითი  
ქვეპროგრამა, რომელთა ბიუჯეტი განისაზღვრა 6534200 ლარით.

აღნიშნული ქვეპროგრამების ფარგლებში ბენეფიტებით ისარგებლეს სხვადასხვა კატეგორიის  
ბენეფიციარებმა, ესენია: შეზღუდული შესაძლებლობის მქონე პირები, მოწყვლად მდგომარეობაში მყოფი ბავშვიანი  
ოჯახები, სოციალურად დაუცველი ოჯახები, აბიტურიენტები, მეორე მსოფლიო ომის ვეტერანები, ავღანეთის ომის  
ვეტერანები, 2004 წელს აგვისტოს ქართულ-ოსურ კონფლიქტსა და 2008 წლის 8 აგვისტოს ომში დაღუპული მეომრების  
ოჯახები, 26 აპრილს, ჩერნობილის ატომური ელექტროსადგურის ლიკვიდაციის მონაწილე პირები, შშმ ვეტერანები,  
„60+ ხანდაზმულთა კლუბის“ წევრები, იძულებით გადაადგილებული პირები, მრავალშვილიანი ოჯახები,  
მარტოხელა მშობლები, დღის ცენტრით მოსარგებლე ბენეფიციარები და სხვა.

მიმდინარე წლის განმავლობაში დაიხარჯა 6 189 644,08 ლარი (95%).

საანგარიშო პერიოდში მიღებულ იქნა 13228 განცხადება (წერილი).

1. ქვეპროგრამა „სამედიცინო დახმარება“:

ქვეპროგრამის ბიუჯეტი 1500000 ლარი.

ქვეპროგრამა ითვალისწინებს მძიმე, სიცოცხლისათვის საშიში დაავადების მქონე და განსაკუთრებული  
შემთხვევის შედეგად დაავადებული, გადახდისუნარო პირების სამედიცინო მომსახურებას, დიაგნოსტიკისა და  
შემდგომი მკურნალობის ხარჯს (თანადაფინანსების პრინციპით); ქვეპროგრამით სარგებლობენ ქალაქ ქუთაისში  
რეგისტრირებული, მოსახლეობის საყოველთაო ჯანდაცვის სახელმწიფო პროგრამით მოსარგებლე შეზღუდული  
შესაძლებლობის სტატუსის მქონე პირები; მარტოხელა მშობლები და მათი შვილები; მრავალშვილიანი მშობლები და  
მათი ოჯახის წევრები; საქართველოს ტერიტორიული მთლიანობისათვის დაღუპული ოჯახის წევრები; სოციალურად  
დაუცველი ოჯახების მონაცემთა ერთიან ბაზაში რეგისტრირებული 70000-დან 120001-მდე სარეიტინგო ქულის მქონე  
ბენეფიციარები; ოჯახში ძალადობის მსხვერპლის სტატუსის მქონე პირები.

დახმარებით ისარგებლა 3314-მა ბენეფიციარმა.

სულ: დახარჯულმა თანხამ შეადგინა 1 381 232,02 ლარი (92 %).

2. ქვეპროგრამა „მედიკამენტებით უზრუნველყოფა“:

ქვეპროგრამის ბიუჯეტი 247 000 ლარი.

ქვეპროგრამით მოსარგებლე ბენეფიციარებს მიეკუთვნებიან ქალაქ ქუთაისში რეგისტრირებული და  
სოციალურად დაუცველი ოჯახების მონაცემთა ერთიან ბაზაში დაფიქსირებული 70001-მდე სარეიტინგო ქულის  
მქონე პირები (ისარგებლა 382-მა ბენეფიციარმა); ნათესაურ და არანათესაურ მინდობით აღზრდაში მყოფი შშმ  
ბავშვები (ისარგებლა 3-მა ბავშვმა); ომისა და სამხედრო ძალების შშმ ვეტერანები (ისარგებლა 28 პირმა); მკვეთრად და  
მნიშვნელოვნად გამოხატული მხედველობით შეზღუდული შესაძლებლობის მქონე პირები (ისარგებლა 93-მა  
ბენეფიციარმა); ჰემოდიალიზზე მყოფი პაციენტები (ისარგებლა 97-მა ბენეფიციარმა).





დახმარებით ისარგებლა სულ 603-მა ბენეფიციარმა.

სულ: დახარჯულმა თანხამ შეადგინა 230 387,95 ლარი (93 %).

3. ქვეპროგრამა „ეპილეფსიით დაავადებულ პირთა ანტიკონვულსანტებით უზრუნველყოფა“:

ქვეპროგრამის ბიუჯეტი 30000 ლარი.

ქვეპროგრამით მოსარგებლე პირები არიან ქალაქ ქუთაისში რეგისტრირებული ეპილეფსიით დაავადებული პირები.

დახმარებით ისარგებლა 48-მა ბენეფიციარმა.

სულ: დახარჯულმა თანხამ შეადგინა 28 420,47 ლარი (95 %).

4. ქვეპროგრამა „ფენილკეტონურიითა და ცელიაკით დაავადებულ პირთა დახმარება“:

ქვეპროგრამის ბიუჯეტი 129 000 ლარი.

ქვეპროგრამით მოსარგებლე, ფენილკეტონურიითა და ცელიაკით დაავადებულ არასრულწლოვან პირებს, მატერიალური დახმარება გაეწიათ მათი უფლებამოსილი წარმომადგენლის, ხოლო სრულწლოვან პირებს პირადი განცხადების მომართვის საფუძველზე. დახმარების ოდენობა განისაზღვრება თვეში 300 ლარის ოდენობით .

დახმარებით ისარგებლა 40-მა ბენეფიციარმა.

სულ: დახარჯულმა თანხამ შეადგინა 125 100,00 ლარი (97%).

5. ქვეპროგრამა „სოციალური საცხოვრისის კომუნალური ხარჯების უზრუნველყოფა“:

ქვეპროგრამის ბიუჯეტი 50000 ლარი.

ქვეპროგრამით განხორციელდა ქალაქ ქუთაისში, ზ.ჭავჭავაძის ქუჩის №1 და №3-ში მდებარე სოციალური საცხოვრისის მობინადრეთა მიერ დახარჯული ელექტრო ენერჯისა (თითოეულ აბონენტს თვეში არაუმეტეს 60 ლარისა) და ცენტრალური გათბობისათვის საჭირო ბუნებრივი აირის თანხების ანაზღაურება წარმოდგენილი ქვითრების შესაბამისად, ფაქტობრივი ხარჯის მიხედვით. ქალაქ ქუთაისში, ნიკვას ქუჩის №40გ-ში მდებარე სოციალური საცხოვრისის ბენეფიციარების მიერ დახარჯული ელექტრო ენერჯის თანხა ანაზღაურება ხდება წარმოდგენილი ქვითრების შესაბამისად, ფაქტობრივი ხარჯის მიხედვით, ლიმიტის ფარგლებში.

დახმარებით ისარგებლა 95-მა ოჯახმა.

სულ: დახარჯულმა თანხამ შეადგინა 36 914,28 ლარი (74%).

6. ქვეპროგრამა „მრავალშვილიანი ოჯახების დახმარება“:

ქვეპროგრამის ბიუჯეტი 1100000 ლარი.

ქვეპროგრამის ფარგლებში, მიმდინარე პერიოდში ყოველთვიური მატერიალური დახმარებით ისარგებლა მრავალშვილიანმა 681-მა ოჯახმა, მათ შორის:

მეოთხე და მომდევნო ბავშვის შექმნაზე დახმარებით ისარგებლა 40-მა ოჯახმა.

ერთჯერადი მატერიალური დახმარებით ისარგებლა 196-მა მრავალშვილიანმა ოჯახმა.

„მრავალშვილიანი ოჯახების დახმარების“ პროგრამის ფარგლებში მრავალშვილიანი ოჯახებისათვის მოხმარებული ელ.ენერჯის თანადაფინანსებით მიმდინარე პერიოდში ისარგებლა 165-მა ოჯახმა.

სულ: დახარჯულმა თანხამ შეადგინა 1 063 340,00 ლარი (97 %).

7. ქვეპროგრამა „სარიტუალო დახმარება“:

ქვეპროგრამის ბიუჯეტი 10000 ლარი.

ქვეპროგრამის ფარგლებში ხორციელდება ქალაქ ქუთაისში რეგისტრირებული გარდაცვლილი ვეტერანთა დასაფლავების ხარჯის ანაზღაურება, ერთჯერადად 300 (სამასი) ლარის ოდენობით.



ქვეპროგრამა ასევე, გულისხმობს ქალაქ ქუთაისში რეგისტრირებული პირების სარიტუალო მომსახურებას, რომლებიც გარდაიცვალნენ „კოვიდ-19“-ის დიაგნოზით სამედიცინო დაწესებულებაში, ერთჯერადად, 300 (სამასი) ლარის ოდენობით.

დახმარებით ისარგებლა 20-მა ბენეფიციარმა.  
სულ: დახარჯულმა თანხამ შეადგინა 6 000,00 ლარი (60 %).

8. ქვეპროგრამა „სოციალური ღონისძიებები“:

ქვეპროგრამის ბიუჯეტი 751000 ლარი.

ქვეპროგრამა ითვალისწინებს გარკვეული კატეგორიის დეაქტიური, დამსახურებული და სოციალურად დაუცველი პირებისათვის ტრადიციულ დღესასწაულებთან და ღირშესანიშნავ თარიღებთან დაკავშირებით, სხვადასხვა შინაარსის ღონისძიებების მოწყობას.

დახმარებით ისარგებლა 4331-მა ბენეფიციარმა.  
სულ: დახარჯულმა თანხამ შეადგინა 716 520,00 ლარი (100 %).

9. ქვეპროგრამა „სოციალურად დაუცველი ოჯახების ყოფითი პირობების გაუმჯობესების ხელშეწყობა“:

ქვეპროგრამის ბიუჯეტი 144000 ლარი.

აღნიშნული ქვეპროგრამა ითვალისწინებს სოციალურად დაუცველი, 70 000-მდე სარეიტინგო ქულის მქონე, ოჯახების მიერ მოხმარებული ელექტრო ენერჯის ღირებულების თანადაფინანსებას სულადობის მიხედვით და საყოფაცხოვრებო ნარჩენების გატანისათვის საჭირო თანხების დაფინანსებას.

ბენეფიციართა იდენტიფიცირება ხორციელდება სოციალური მომსახურების სააგენტოს მიერ ყოველთვიურად წარმოდგენილი მონაცემთა ბაზის საფუძველზე.

დახმარებით ისარგებლა 2463-მა ბენეფიციარმა.  
სულ: დახარჯულმა თანხამ შეადგინა 141 646,00 ლარი (98 %).

10. ქვეპროგრამა „განსაკუთრებული საჭიროების მქონე პირთა თანადგომა“:

ქვეპროგრამის ბიუჯეტი 170000 ლარი.

ქვეპროგრამა ითვალისწინებს ქალაქ ქუთაისში რეგისტრირებულ (მცხოვრებ) 18 (თვრამეტი) წლის ბენეფიციარის დახმარება, რომელიც იმყოფებოდა სახელმწიფო მზრუნველობაში და სრულწლოვანების გამო შეუწყდა სახელმწიფოს მხრიდან მომსახურება. დახმარება ბენეფიციარზე შეადგენს, თვეში 200 ლარს.

ბიოლოგიურ ოჯახში, თითოეულ რეინტეგრირებულ ბავშვზე თვეში გაიცემა 200 ლარი.

ჰემოდიალიზზე მყოფ პირს, მუდმივად სამკურნალო დაწესებულებაში ტრანსპორტირებისა და სხვა სასიცოცხლოდ აუცილებელი საჭიროებების დაკმაყოფილების მიზნით დახმარება შეადგენს თვეში 100 ლარს.

დახმარებით ისარგებლა 144-მა ბენეფიციარმა, მათ შორის 124 ჰემოდიალიზზე მყოფი პირი და რეინტეგრირებული 20 ოჯახი – 25 ბავშვი.

სულ: დახარჯულმა თანხამ შეადგინა 152 800,00 ლარი (90 %).

11. ქვეპროგრამა „შეზღუდული შესაძლებლობის მქონე პირების დახმარება“:

ქვეპროგრამის ბიუჯეტი 152000 ლარი.

დახმარებით სარგებლობენ „ბავშვთა ადრეული განვითარებისა“ და „დღის ცენტრის“ სახელმწიფო პროგრამებით, მომსახურებით, მოსარგებლე შეზღუდული შესაძლებლობის სტატუსის მქონე ბავშვები. პროგრამის ფარგლებში ხორციელდება თვეში 60 ლარის ღირებულების ჰიგიენური საფენებისა და სველი საღვთეოთქების შექმნა.

დახმარებით ისარგებლა 260-მა ბენეფიციარმა.





სულ: დახარჯულმა თანხამ შეადგინა 149 918,72 ლარი (99 %).

12. ქვეპროგრამა „კოხლეარული იმპლანტით მოსარგებლე ბენეფიციართა დახმარება“:

ქვეპროგრამის ბიუჯეტი 18000 ლარი.

ქვეპროგრამა ითვალისწინებს, აბსოლუტური სიყრუს მქონე და ყრუ-მუნჯი ბავშვებისათვის სახელმწიფო პროგრამის ფარგლებში გაკეთებული ოპერაციის შემდგომ, კოხლეარული იმპლანტით მოსარგებლე ქალაქ ქუთაისში რეგისტრირებული/მცხოვრები 0-18 წლამდე არასრულწლოვანი პირების ფუნქციური დამოუკიდებლობის ხარისხის გაუმჯობესებას და საზოგადოებაში ინტეგრაციის ხელშეწყობას.

ქვეპროგრამის ფარგლებში კოხლეარული იმპლანტის აპარატის შეუფერხებელი ფუნციონირებისათვის საჭირო ნაწილების შეძენის თვალსაზრისით, ბენეფიციარს გაეწია დახმარება. ანაზღაურდა კვების წყაროსათვის საჭირო ელემენტის ღირებულება თვეში 95 ლარის ოდენობით და პროცესორისა და მიკროფონის შემაერთებელი სადენის ღირებულება – ექვს თვეში ერთხელ, 150 ლარის ოდენობით.

დახმარებით ისარგებლა 11-მა ბენეფიციარმა.

სულ: დახარჯულმა თანხამ შეადგინა 12 653,50 ლარი (70 %).

13. ქვეპროგრამა „ავთვისებიანი სიმსივნის ფორმით დაავადებულ პირთა თანადგომა“:

ქვეპროგრამის ბიუჯეტი 60 000 ლარი.

ქვეპროგრამის ფარგლებში 0-18 წლამდე ასაკის ლეიკოზით დაავადებულ პირებს გაეწიათ მატერიალური დახმარება, თითოეულს თვეში 200 ლარის ოდენობით.

დახმარებით ისარგებლა 25-მა ბენეფიციარმა.

სულ: დახარჯულმა თანხამ შეადგინა 59 400,00 ლარი (99%).

14. ქვეპროგრამა „შინმოვლა“:

ქვეპროგრამის ბიუჯეტი 81000 ლარი.

ქვეპროგრამით მოსარგებლე პირები არიან სოციალურად დაუცველი ოჯახების მონაცემთა ერთიან ბაზაში ქალაქ ქუთაისში რეგისტრირებული 100001-მდე სარეიტინგო ქულის მქონე ოჯახის წევრები (შემდგომ – მოსარგებლე), რომელთათვისაც უძღვრების შეფასების ბართელის კითხვარის მიხედვით მინიჭებული ქულა (შემდგომ – ბართელის ინდექსი) არ აღემატება 95 ერთეულს, არიან მწოლიარენი ან/და საჭიროებენ სამედიცინო მანიპულაციებს საცხოვრებელ ადგილზე.

დახმარებით ისარგებლა 145-მა ბენეფიციარმა.

სულ: დახარჯულმა თანხამ შეადგინა 74 315,00 ლარი (92%).

15. ქვეპროგრამა „აუტიზმის სპექტრის დარღვევის მქონე ბავშვთა რეაბილიტაცია“:

ქვეპროგრამის ბიუჯეტი 1501000 ლარი.

ქვეპროგრამის ფარგლებში მომსახურება გაეწევათ ქალაქ ქუთაისში რეგისტრირებულ/ მცხოვრებ 2-17 წლის ჩათვლით ასაკის ბავშვებს, რომელთა ძირითადი დიაგნოზია („ICD-10“) კლასიფიკაციის მიხედვით განსაზღვრული განვითარების ზოგადი აშლილობები („F84.0“ – „F84.9“).

ქვეპროგრამის ფარგლებში, ანაზღაურდა სერვისის მიმწოდებელი ორგანიზაციების (სამი ორგანიზაცია) მიერ აუტიზმის სპექტრის დარღვევის მქონე ბავშვებისათვის გაწეული მომსახურება.

დახმარებით ისარგებლა 352-მა ბენეფიციარმა.

სულ: დახარჯულმა თანხამ შეადგინა 1 452 381,00 ლარი (97 %).



16. ქვეპროგრამა „შეზღუდული შესაძლებლობის მქონე პირების მხარდაჭერაზე ორიენტირებული პროექტების დაფინანსება/თანადაფინანსება“:

ქვეპროგრამის ბიუჯეტი 250000 ლარი.

ქვეპროგრამის ფარგლებში ხორციელდება შესაბამისი პროფილით მომუშავე საზოგადოებრივი ორგანიზაციების მიერ ინიცირებული ისეთი პროექტების დაფინანსება/თანადაფინანსება, რომლებიც მიზნად ისახავს შშმ პირთა საზოგადოებაში ინტეგრაციის ხელშეწყობას.

კონკურსი გამოცხადდა 3 ეტაპად. შემოსული იყო 3 საკონკურსო განაცხადი, გამარჯვებული კონკურსანტი არ გამოვლენილა.

17. ქვეპროგრამა „შეზღუდული შესაძლებლობის მქონე პირთა და მიუსაფარ ბავშვთა საჭიროებებზე მომუშავე ორგანიზაციების ფუნქციონირების ხელშეწყობა“:

ქვეპროგრამის ბიუჯეტი 64200 ლარი.

ქვეპროგრამის მიზანია ქალაქ ქუთაისში მოქმედი 0-18 და 18 წლის ზემოთ ასაკის შეზღუდული შესაძლებლობის მქონე ბენეფიციარებსა და მიუსაფარ ბავშვთა საჭიროებებზე მომუშავე ორგანიზაციების ფუნქციონირების ხელშეწყობა. საანგარიშო პერიოდში განხორციელდა მომსახურების მიმწოდებელი 8 ორგანიზაციისათვის (მათ შორის 6-დან 18 წლამდე მძიმე და ღრმა გონებრივი განვითარების შეფერხების მქონე შშმ ბავშვთა დღის ცენტრის ფუნქციონირების ხელშეწყობის მიზნით, ბენეფიციართა ტრანსპორტირების, განმავითარებელი და სხვა საშუალებების ხარჯების ანაზღაურება – სულ: 17664.47 ლარი), თანადაფინანსების პრინციპით კომუნალური ხარჯების (ელექტროენერგია, ბუნებრივი აირი და წყალი) ანაზღაურება.

დახმარებით ისარგებლა 8 ორგანიზაციამ.

სულ: დახარჯულმა თანხამ შეადგინა 40 269,71 ლარი (63%).

18. ქვეპროგრამა „მარტოხელა მშობელთა დახმარება“:

ქვეპროგრამის ბიუჯეტი 44000 ლარი.

ქვეპროგრამის მიზანია, ქალაქ ქუთაისში მცხოვრები (რეგისტრირებული) მარტოხელა მშობლის სტატუსის მქონე პირთა ოჯახების მიერ მოხმარებული კომუნალური გადასახადების – ელექტრო ენერჯის, წყლის, ბუნებრივი აირის ღირებულების თანადაფინანსება 30 ლარის ოდენობით. „სოციალური ღონისძიებების“ ფარგლებში ბენეფიციარებს სააღდგომოდ გადაეცათ 100 ლარის ღირებულების სასაჩუქრე ბარათები.

დახმარებით ისარგებლა 150-მა ბენეფიციარმა.

სულ: დახარჯულმა თანხამ შეადგინა 41 286,00 ლარი (94 %).

19. ქვეპროგრამა „ოჯახში ძალადობის მსხვერპლთა დახმარება“:

ქვეპროგრამის ბიუჯეტი 4000 ლარი.

ქვეპროგრამის მიზანს წარმოადგენს სსიპ „ადამიანთა ვაჭრობის (ტრეფიკინგის) მსხვერპლთა, დაზარალებულთა დაცვისა და დახმარების სახელმწიფო ფონდის“ სტრუქტურული ერთეულების, ოჯახში ძალადობის მსხვერპლთა მომსახურების დაწესებულებაში (თავშესაფარში) მყოფი პირის/ოჯახის თავშესაფრის დატოვების შემდეგ ფინანსურ დახმარება.

დახმარებით ისარგებლა 2-მა ბენეფიციარმა.

სულ: დახარჯულმა თანხამ შეადგინა 3000 ლარი (75 %).





20. ქვეპროგრამა „საქართველოს „SOS“ ბავშვთა სოფლის“ მიერ განხორციელებული პროექტის – „დღის ცენტრის“ ბენეფიციარების დახმარება“:

ქვეპროგრამის ბიუჯეტი 30000 ლარი.

ქვეპროგრამის ფარგლებში ბავშვების სოციალური დახმარებისა და მათი ოჯახების გაძლიერების მიზნით, ქალაქ ქუთაისის მუნიციპალიტეტის მერიასა და ასოციაცია საქართველოს „SOS ბავშვთა სოფელს“ შორის გაფორმებული ურთიერთშეთანხმების მემორანდუმის საფუძველზე, ხდება საქართველოს „SOS ბავშვთა სოფლის“ მიერ განხორციელებული პროექტის („დღის ცენტრის ბენეფიციარების დახმარება“) დაფინანსება, რომლის ფარგლებში ფინანსდება ქალაქ ქუთაისში რეგისტრირებული 12-დან 36 თვემდე ბავშვების დღის ცენტრში მომსახურება: კვება და ჰიგიენური საშუალებები.

დახმარებით ისარგებლა 26-მა ბენეფიციარმა.

სულ: დახარჯულმა თანხამ შეადგინა 24 157,27 ლარი (81 %).

21. ქვეპროგრამა „ადრეული ძუძუს აგრესიული „HER-2“ რეცეპტორ დადებითი დიაგნოზის მქონე პირების დახმარება“:

ქვეპროგრამის ბიუჯეტი 95000 ლარი.

ქვეპროგრამით სარგებლობენ ადრეული ძუძუს აგრესიული „HER-2“ რეცეპტორ დადებითი და მეტასტაზური კიბოს დიაგნოზის მქონე პირები.

დახმარებით ისარგებლა 30-მა ბენეფიციარმა.

სულ: დახარჯულმა თანხამ შეადგინა 93 300,00 ლარი (98%).

22. ქვეპროგრამა „გადაუდებელი რეაგირება“:

ქვეპროგრამის ბიუჯეტი 196000 ლარი.

ქვეპროგრამის ფარგლებში მომსახურების სერვისი მიეწოდებათ ქალაქ ქუთაისში რეგისტრირებულ და ფაქტობრივად მცხოვრებ კრიზისულ მდგომარეობაში მყოფ ოჯახებს, რომელთა წევრები საჭიროებენ გადაუდებელ პირველად დახმარებას.

დახმარებით ისარგებლა 286-მა ბენეფიციარმა მათ შორის სოციალურ საკითხთა სამსახურის მიერ გაეწია მატერიალური დახმარება 177 ბენეფიციარს, ხოლო 109 ბენეფიციარს გამოკვეთილი საჭიროებების მიხედვით სამუშაო ჯგუფის გადაწყვეტილებით გაეწიათ სხვადასხვა სახის დახმარება.

სულ: დახარჯულმა თანხამ შეადგინა 177 250,51 ლარი (90%).

23. ქვეპროგრამა „მხედველობით მკვეთრად შეზღუდული შესაძლებლობის მქონე პირებისათვის ტიფლოტექნიკური აპარატების შეძენა“:

ქვეპროგრამის ბიუჯეტი 10000 ლარი.

ქვეპროგრამის ფარგლებში ფინანსდება მხედველობით მკვეთრად შეზღუდული შესაძლებლობის მქონე პირებისათვის ტიფლოტექნიკური აპარატების (ხმოვანი წნევის აპარატები – 53 ცალი; შაქრის საზომი აპარატები – 23 ცალი) შეძენა.

დახმარებით ისარგებლა 73-მა ბენეფიციარმა.

სულ: დახარჯულმა თანხამ შეადგინა 9950 ლარი (100 %).

24. ქვეპროგრამა „გენდერული ნიშნით და ოჯახში ძალადობის მსხვერპლი ქალებისათვის ფსიქოლოგიური სერვისებით უზრუნველყოფა“:

ქვეპროგრამის ბიუჯეტი 5000 ლარი.



ქვეპროგრამით სარგებლობენ ქალაქ ქუთაისში რეგისტრირებული ოჯახში და გენდერული ნიშნით ძალადობის მსხვერპლი ქალები და გოგონები, რომლებიც საჭიროებენ ფსიქიკური ჯანმრთელობის სერვისებში ჩართვას. ქვეპროგრამის მომსახურების მიმწოდებელს წარმოადგენს ა(ა)იპ „წამების მსხვერპლთა ფსიქო-სოციალური და სამედიცინო რეაბილიტაციის საქართველოს ცენტრი“ („GCRT“, რომელიც პროექტის: „ქუთაისის მუნიციპალიტეტში მცხოვრები ძალადობის მსხვერპლი ქალების ფსიქიკური ჯანმრთელობის სერვისებით უზრუნველყოფა“ ფარგლებში განახორციელებს ქალაქ ქუთაისის მუნიციპალიტეტში მცხოვრები გენდერული ნიშნითა და ოჯახში ძალადობის მსხვერპლი ქალებისა და გოგონებისთვის ფსიქიკური ჯანმრთელობის სერვისის მიწოდებას. კერძოდ: ფსიქოლოგის, სოციალური მუშაკის მომსახურებას, ასევე, ფსიქიატრის კონსულტაციას და საჭიროების შემთხვევაში ფსიქიატრის მიერ დანიშნული მედიკამენტებით უზრუნველყოფას, რაც განხორციელდება ქუთაისის მერიის წილობრივი ფინანსური მხარდაჭერით, რომელიც განისაზღვრება 10000 (ათი ათასი) ლარის ოდენობით. ქვეპროგრამის ფარგლებში დაფინანსდება არაუმეტეს 20 ბენეფიციარი. ბენეფიციარების ქვეპროგრამაში ჩართვა: სერვისში რეგისტრირებას მოახდენს განმახორციელებელი – ქუთაისის მუნიციპალიტეტის მერიის სოციალურ საკითხთა სამსახური, ხოლო ამის შემდგომ „GCRT“-ის ქუთაისის სარეაბილიტაციო გუნდი იმოქმედებს შესაბამისად.

დახმარებით ისარგებლა 9 ბენეფიციარმა.

სულ: დახარჯულმა თანხამ შეადგინა 5000 ლარი (100%).

25. ქვეპროგრამა „სოციალურად დაუცველი ოჯახების მხარდაჭერა“:

ქვეპროგრამის ბიუჯეტი 4000,00 ლარი.

ქვეპროგრამა ითვალისწინებს ქალაქ ქუთაისში არანაკლებ ბოლო ერთი წლის მანძილზე რეგისტრირებული და ფაქტობრივად მცხოვრები სოციალურად დაუცველი პირების მიერ ახალშექმნილი ოჯახებისა და ახალშექმნილი შვილიანი ოჯახების ფინანსურ მხარდაჭერას.

დახმარებით ისარგებლა 6-მა ბენეფიციარმა.

სულ: დახარჯულმა თანხამ შეადგინა 3000 ლარი (75 %).

26. ქვეპროგრამა „მრავალშვილიანი ოჯახების მიერ მიკრო და მცირე მეწარმეობის ხელშეწყობა“:

ქვეპროგრამის ბიუჯეტი 5000 ლარი.

ქვეპროგრამა გულისხმობს ქალაქ ქუთაისში რეგისტრირებული და ფაქტობრივად მცხოვრები მრავალშვილიანი ოჯახების გაძლიერებას, რომლებსაც აქვთ სურვილი ან უკვე ეწევიან მიკრო, ან მცირე მეწარმეობას. პროექტების დაფინანსება მოხდება ქალაქ ქუთაისის მუნიციპალიტეტის მიერ დამტკიცებული მეთოდოლოგიის საფუძველზე. თანხა ბენეფიციარებზე გადანაწილდება პროექტის ღირებულებისა და თანაფარდობის პრინციპით.

დაიხარჯა 0 ლარი.

27. ქვეპროგრამა „სოციალურად დაუცველი ბავშვებისათვის განათლების ხარისხის ამაღლება“:

ქვეპროგრამის ბიუჯეტი 60000 ლარი.

ქვეპროგრამის ფარგლებში ხორციელდება სოციალურად დაუცველი აბიტურიენტების დამატებითი სწავლება, 2022 წლის ერთიანი ეროვნული გამოცდებისათვის. ქვეპროგრამით მოსარგებლე პირები არიან ქალაქ ქუთაისში რეგისტრირებული სოციალურად დაუცველი სტატუსის მქონე სკოლადაამთავრებელი მოსწავლეები, რომელთა ოჯახების სარეიტინგო ქულა არ აღემატება 120000-ს. აბიტურიენტებისთვის მომსახურების მიწოდებას უზრუნველყოფენ ქალაქ ქუთაისში რეგისტრირებული და ავტორიზირებული სასწავლო დაწესებულებები.

დახმარებით ისარგებლა 53-მა ბენეფიციარმა.

სულ: დახარჯულმა თანხამ შეადგინა 33300 ლარი (56 %).





28. ქვეპროგრამა „შშმ პირთა საერთაშორისო დღე“:

ქვეპროგრამის ბიუჯეტი 6000 ლარი.

ქალაქის სპორტის სასახლეში მოეწყო სხვადასხვა სახის ღონისძიებები შშმ პირთა მონაწილეობით.

დაიხარჯა 3000 ლარი (50%).

29. ქვეპროგრამა „ბავშვიანი ოჯახების ეკონომიკური გაძლიერება“:

ქვეპროგრამის ბიუჯეტი 116 000,00 ლარი.

ბავშვიანი ოჯახების ეკონომიკური მხარდაჭერის ქვეპროგრამის მიზანია, ბავშვის უფლებათა კოდექსის მოთხოვნათა და ბავშვთა უფლებების მიმართულებით არსებული გამოწვევების საპასუხოდ, პროგრამის მონაწილე ბავშვიანი ოჯახების ეკონომიკური უსაფრთხოების ხელშეწყობა, რათა ამ გზით შემცირდეს ოჯახების ეკონომიკური მდგომარეობის უარყოფითი გავლენა ბავშვის განვითარების სხვადასხვა ასპექტებზე.

ქვეპროგრამით მოსარგებლები არიან ქალაქ ქუთაისში რეგისტრირებული და მცხოვრები ბავშვიანი ოჯახები, თუ ქვემოთ ჩამოთვლილი სამიზნე ჯგუფიდან, სულ მცირე, ორს მაინც აკმაყოფილებს, ესენია:

1. სოციალურად დაუცველი ბავშვიანი ოჯახების მონაცემთა ერთიან ბაზაში დაფიქსირებული 120 001-მდე სარეიტინგო ქულის მქონე პირები.

2. გაღარიბების მაღალი რისკის წინაშე კრიზისულ მდგომარეობაში მყოფი ბავშვიანი ოჯახები (სოციალური მუშაკის დასკვნის საფუძველზე).

3. ერთ-ერთი მშობელი, რომელიც დამოუკიდებლად ასრულებს მშობლის ფუნქციებს.

4. ოჯახები, რომლებსაც ჰყავთ სუსტი თანადგომის ქსელი (სოციალური მუშაკის დასკვნის საფუძველზე).

5. ბავშვიანი ოჯახები, სადაც ერთი მშობელი კანონთან კონფლიქტშია.

ქვეპროგრამაში მონაწილეობას ვერ მიიღებს მრავალშვიანი ოჯახების მიკრო და მცირე ბიზნესის ხელშეწყობი პროექტების მოსარგებლე.

ქვეპროგრამის განხორციელება მიმართულია ბავშვიანი ოჯახებისათვის გრძელვადიან მხარდაჭერაზე, რომელიც მოიცავს სამ კომპონენტს. კერძოდ, ქვეპროგრამის მონაწილე ოჯახებთან ბიო-ფსიქო-სოციალური მიდგომებით მოხდება სოციალური მუშაკების ჩართულობა, ოჯახის ეკონომიკური და პოზიტიური მშობლობის კუთხით გაძლიერება.

დახმარებით ისარგებლა 8 ოჯახმა.

სულ: დახარჯულმა თანხამ შეადგინა 115 741,65 ლარი.

30. ქვეპროგრამა „ბავშვის განვითარების ხელშეწყობა“:

ქვეპროგრამის ბიუჯეტი 20000 ლარი.

ქვეპროგრამით მოსარგებლე ბენეფიციარებს მიეკუთვნებიან ქალაქ ქუთაისში რეგისტრირებული და მცხოვრები ბავშვები. ბავშვის განვითარების ხელშეწყობი ქვეპროგრამის მიზანია ბავშვთა კოდექსის მოთხოვნათა და ბავშვთა უფლებების მიმართულებით არსებული გამოწვევების საპასუხოდ მოწყვლად ოჯახებში მცხოვრები ბავშვების კოგნიტური და ფიზიკური განვითარების ხელშეწყობა. ქვეპროგრამის ფარგლებში ოჯახის მხარდაჭერა განხორციელდება ბავშვის ასაკის თავისებურებების გათვალისწინებით – ადრეული და შუა ასაკის ბავშვებისათვის, ბავშვის განვითარების ხელშეწყობი საშუალებებით. თითოეული ბენეფიციარისათვის დახმარება შეადგენს 150 ლარის ღირებულების განმავითარებელი საშუალებებით.

31. ქვეპროგრამა „ონკოლოგიური პაციენტების ფსიქო-სოციალური მხარდაჭერა“:

ქვეპროგრამის ბიუჯეტი 2000 ლარი.



ქვეპროგრამის მიზანია ონკოლოგიურ პაციენტებში სტრესის შედეგად გამოწვეული მდგომარეობის მხარდაჭერა/მართვა. ქვეპროგრამით მოსარგებლე პირები არიან ქალაქ ქუთაისში რეგისტრირებული ონკოლოგიური პაციენტები. თანამედროვე ონკოლოგია მოიაზრებს მკურნალობის პროცესში პაციენტის მიმართ ჰოლისტურ მიდგომას, რათა მოხდეს მუდმივი სტრესის შედეგად ონკოპაციენტებში განვითარებული მძიმე ფსიქოლოგიური პრობლემების მართვა. ქვეპროგრამით გათვალისწინებულ მიმწოდებელს წარმოადგენს ა(ა)იპ „საქართველოს ფსიქო-ონკოლოგიის საზოგადოება“. ქვეპროგრამის ფარგლებში მომსახურებას 6 სეანსის გავლით მიიღებს 4 ბენეფიციარისგან შექმნილი 20 ჯგუფი, სულ არაუმეტეს 80 ბენეფიციარისა.

დაიხარჯა 0 ლარი.

**ბავშვის უფლებების დაცვისა და მხარდაჭერის განყოფილების მიერ გაწეული საქმიანობა**

2023 წლის 1 იანვრიდან 2023 წლის 31 დეკემბრის ჩათვლით ბავშვის უფლებების დაცვისა და მხარდაჭერის განყოფილებაში მიღებულ იქნა 126 განცხადება და შეფასებულ იქნა 226 ბავშვი და მათი ოჯახები. მათ მიმართ გატარდა შემდეგი სახის ღონისძიებები.

გადაუდებელი რეაგირების პროგრამის ფარგლებში განაცხადი გააკეთა 64-მა მოქალაქემ, ვერ შეფასდა 5 ბავშვი, რადგან ოჯახებმა უარი განაცხადეს სოციალურ მუშაკთან თანამშრომლობაზე; სულ განხორციელდა 105 ბავშვის შეფასება.

ბავშვიანი ოჯახების ეკონომიკური გაძლიერების პროგრამის ფარგლებში განაცხადი გააკეთა 6 მოქალაქემ, შეფასდა 19 ბავშვი.

სსიპ „სახელმწიფო ზრუნვისა და ტრეფიკინგის მსხვერპლთა დაზარალებულთა დახმარების სააგენტოდან“ შემოვიდა 16 შეტყობინება, ვერ შეფასდა 3 ბავშვი, ვინაიდან, ორშვილიანი დედა იმყოფებოდა დედათა და ბავშვთა თავშესაფარში, ხოლო ერთი მოქალაქე კახეთის რეგიონში. სულ შეფასებდა 31 ბავშვი.

სხვა მუნიციპალიტეტიდან (ტყიბული) შემოსული წერილის საფუძველზე ვერ შეფასდა ბავშვიანი ოჯახი, ვინაიდან ტერიტორიულად ქუთაისის მუნიციპალიტეტში არ იმყოფებოდა.

თვითმომართვა განხორციელა 36-მა მოქალაქემ და შეფასდა 65 ბავშვი;

არასამთავრობო ორგანიზაციიდან შემოსული წერილის საფუძველზე შეფასდა 2 ბავშვი, ხოლო სახალხო დამცველის აპარატიდან შემოსული შეტყობინების საფუძველზე – 1 ბავშვი;

ქუთაისის მუნიციპალიტეტის მერთან შეხვედრის შედეგად შეფასდა 3 ბავშვი.

მეორე დონეზე სოციალური მუშაკები ინდივიდუალური მხარდაჭერის გეგმის მიხედვით ახორციელებენ მონიტორინგს 52 ბავშვთან.

**2024 წლის 1-ლი კვარტალი**

ქალაქ ქუთაისის მუნიციპალიტეტის საკრებულოს 2023 წლის 27 დეკემბრის №79 დადგენილების საფუძველზე, ადგილობრივი ბიუჯეტის ფარგლებში დამტკიცებულ იქნა 29 სოციალური და ჯანდაცვითი ქვეპროგრამა და რომლის ბიუჯეტი განისაზღვრა 7 461 400 ლარით.

გასულ წელთან შედარებით, ზემოაღნიშნული ქვეპროგრამების დაფინანსება თავდაპირველად დამტკიცებული ადგილობრივი ბიუჯეტით გაიზარდა 927 000 ლარით. ხოლო, ადგილობრივ ბიუჯეტში შემდგომ განხორციელებული ცვლილებებით ამ ქვეპროგრამების დაფინანსება წინა წელთან შედარებით გაზრდილია 959 000 ლარით. კერძოდ: გადაუდებელი რეაგირება 250,0 ათასი ლარით; სოციალური ღონისძიებები – 203,0 ათასი ლარით; აუტიზმი – 285,0 ათასი ლარით; სამედიცინო დახმარება – 20,0 ათასი ლარით; ვენილკეტონურიტა და ცელიაკით დაავადებულ პირთა დახმარება – 68,0 ათასი ლარით; სოციალურ საცხოვრისის კომუნალური ხარჯების უზრუნველყოფის დახმარება – 20,0 ათასი ლარით; შშმ ბენეფიციარებისა და მიუსაფარ ბავშვთა საჭიროებებზე მომუშავე ორგანიზაციების ხელშეწყობა – 18,0 ათასი ლარით.





ლარით; მარტოხელა მშობელთა დახმარება – 15,0 ათასი ლარით; მრავალშვილიანი ოჯახების დახმარება – 15,0 ათასი ლარით; სოციალურად დაუცველი ოჯახების ყოფითი პირობების გაუმჯობესების ხელშეწყობა – 5,0 ათასი ლარით; შეზღუდული შესაძლებლობის მქონე ბავშვთა პიგიენური საშუალებებით უზრუნველყოფა – 45,0 ათასი ლარით; ავთვისებიანი სიმსივნით დაავადებულ ბავშვთა თანადგომა – 10,0 ათასი ლარით; შინმოვლა – 5,0 ათასი ლარით და ა. შ.

აღნიშნული ქვეპროგრამების ფარგლებში ბენეფიტებით სარგებლობენ სხვადასხვა კატეგორიის ბენეფიციარები, ესენია: შშმ პირები, მოწყვლად მდგომარეობაში მყოფი ბავშვიანი ოჯახები, სოციალურად დაუცველი ოჯახები, მეორე მსოფლიო ომის ვეტერანები, ავღანეთის ომის ვეტერანები, 2004 წელს აგვისტოს ქართულ-ოსურ კონფლიქტსა და 2008 წლის 8 აგვისტოს ქართულ ომში დაღუპული მეომრების ოჯახები, 26 აპრილს, ჩერნობილის ატომური ელექტროსადგურის ლიკვიდაციის მონაწილე პირები, შშმ ვეტერანები, იძულებით გადაადგილებული პირები, მრავალშვილიანი ოჯახები, მარტოხელა მშობლები, დღის ცენტრით მოსარგებლე ბენეფიციარები და სხვა.

მიმდინარე წლის პირველ კვარტალში დაიხარჯა 1 260 010 ლარი.

1. ქვეპროგრამა „სამედიცინო დახმარება“:

ქვეპროგრამის ბიუჯეტი 1520000 ლარი.

ქვეპროგრამა ითვალისწინებს მძიმე, სიცოცხლისათვის საშიში დაავადებების მქონე და განსაკუთრებული შემთხვევების შედეგად დაავადებული, გადახდისუუნარო პირების სამედიცინო მომსახურებას, დიაგნოსტიკისა და შემდგომი მკურნალობის ხარჯის (თანადაფინანსების პრინციპით) ანაზღაურებას.

ქვეპროგრამით სარგებლობენ ქალაქ ქუთაისში რეგისტრირებული, მოსახლეობის საყოველთაო ჯანდაცვის სახელმწიფო პროგრამით მოსარგებლე შეზღუდული შესაძლებლობის სტატუსის მქონე პირები; მარტოხელა მშობლები და მათი შვილები; მრავალშვილიანი მშობლები და მათი ოჯახის წევრები; 0-5 წლის ბავშვები; სოციალურად დაუცველი ოჯახების მონაცემთა ერთიან ბაზაში რეგისტრირებული 70000-დან 150001-მდე სარეიტინგო ქულის მქონე ბენეფიციარები; ასაკის პენსიონერები; მარჩენალგარდაცვლილის სტატუსის მქონე პირები; 2004 წლის აგვისტოს ქართულ-ოსურ კონფლიქტსა და 2008 წლის 8 აგვისტოს ომში დაღუპული მეომრების ოჯახების წევრები; პოლიტიკური რეპრესიების მსხვერპლები/მათი ოჯახის წევრები; ოჯახში ძალადობის მსხვერპლის სტატუსის მქონე პირები.

ასევე ბენეფიციარები, რომელთაც სხვადასხვა მიზეზების გამო (გარდა უძრავ-მომრავი ქონების შექმნის მიზეზისა) შეუწყდათ რეგისტრაცია სოციალურად დაუცველი ოჯახების მონაცემთა ერთიან ბაზაში, ისარგებლებენ საბიუჯეტო წლის ბოლომდე, დამატებითი მოკვლევის საფუძველზე.

დახმარებით ისარგებლა 1149 ბენეფიციარმა.

სულ: დახარჯულმა თანხამ შეადგინა 19724,0 ლარი.

2. ქვეპროგრამა „მედიკამენტებით უზრუნველყოფა“:

ქვეპროგრამის ბიუჯეტი 250 000 ლარი.

ქვეპროგრამით მოსარგებლე ბენეფიციარებს მიეკუთვნებიან: ქალაქ ქუთაისში რეგისტრირებული და სოციალურად დაუცველი ოჯახების მონაცემთა ერთიან ბაზაში დაფიქსირებული 70001-მდე სარეიტინგო ქულის მქონე პირები (ისარგებლა 169 ბენეფიციარმა); მინდობით აღზრდაში მყოფი შშმ ბავშვები (ისარგებლა 5-მა ბავშვმა); ომისა და სამხედრო ძალების შშმ ვეტერანები (ისარგებლა 7-მა პირმა); 2004 წლის აგვისტოს ქართულ-ოსურ კონფლიქტსა და 2008 წლის 8 აგვისტოს ომში დაღუპული მეომრების ოჯახების წევრები; მკვეთრად და მნიშვნელოვნად გამოხატული მხედველობით შეზღუდული შესაძლებლობის მქონე პირები (ისარგებლა 28 ბენეფიციარმა); ჰემოდიალიზზე მყოფი პაციენტები (ისარგებლა 89-მა ბენეფიციარმა).

დახმარებით ისარგებლა სულ 298-მა ბენეფიციარმა.

სულ: დახარჯულმა თანხამ შეადგინა 19699,48 ლარი.



3. ქვეპროგრამა ეპილეფსიით დაავადებულ პირთა ანტიკონვულსანტებით უზრუნველყოფა“:

ქვეპროგრამის ბიუჯეტი 35000 ლარი.

ქვეპროგრამით მოსარგებლე პირები არიან ქალაქ ქუთაისში რეგისტრირებული ეპილეფსიით დაავადებული პირები.

დახმარებით ისარგებლა 25-მა ბენეფიციარმა.

სულ: დახარჯულმა თანხამ შეადგინა 1386,13 ლარი.

4. ქვეპროგრამა „ფენილკეტონურიითა და ცელიაკით დაავადებულ პირთა დახმარება“:

ქვეპროგრამის ბიუჯეტი 144 000 ლარი.

ქვეპროგრამით მოსარგებლე ფენილკეტონურიითა და ცელიაკით დაავადებულ არასრულწლოვან პირებს, მატერიალური დახმარება გაეწიათ მათი უფლებამოსილი წარმომადგენლის, ხოლო სრულწლოვან პირებს პირადი განცხადებით მომართვის საფუძველზე. დახმარების ოდენობა განისაზღვრება თვეში 300 ლარის ოდენობით .

დახმარებით ისარგებლა 45-მა ბენეფიციარმა.

სულ: დახარჯულმა თანხამ შეადგინა 26400,0 ლარი.

5. ქვეპროგრამა „სოციალური საცხოვრისის კომუნალური ხარჯების უზრუნველყოფა“:

ქვეპროგრამის ბიუჯეტი 70000 ლარი.

ქვეპროგრამით ხორციელდება ქალაქ ქუთაისში, ზ.ჭავჭავაძის ქუჩის №1 და №3-ში მდებარე სოციალური საცხოვრისის მობინადრეთა მიერ დახარჯული ელექტრო ენერჯისა (თითოეულ აბონენტს თვეში არაუმეტეს 60 ლარისა) და ცენტრალური გათბობისათვის საჭირო ბუნებრივი აირის თანხების ანაზღაურება წარმოდგენილი ქვითრების შესაბამისად, ფაქტობრივი ხარჯის მიხედვით. გუგუნავას ქუჩის №12-ში მდებარე სოციალური საცხოვრისის ბენეფიციართა მიერ დახარჯული ელექტრო ენერჯის თანხა ანაზღაურდება ყოველთვიურად, წარმოდგენილი ქვითრების შესაბამისად, ფაქტობრივი ხარჯის მიხედვით 60 ლარის ფარგლებში. ასევე, ნიკვას ქუჩის №40გ-ში მდებარე სოციალური საცხოვრისის საერთო სარგებლობის ფართში მოხმარებული ელექტრო ენერჯის ხარჯი.

დახმარებით ისარგებლა 61-მა ბენეფიციარმა.

სულ: დახარჯულმა თანხამ შეადგინა 11715,22 ლარი.

6. ქვეპროგრამა „მრავალშვილიანი ოჯახების დახმარება“:

ქვეპროგრამის ბიუჯეტი 1115000 ლარი.

ქვეპროგრამის ფარგლებში მიმდინარე პერიოდში ყოველთვიური მატერიალური დახმარებით ისარგებლა მრავალშვილიანმა 663-მა ოჯახმა, მათ შორის:

მეოთხე და მომდევნო ბავშვის შექმნაზე დახმარებით ისარგებლა 11-მა ოჯახმა.

ერთჯერადი მატერიალური დახმარებით ისარგებლა 181-მა მრავალშვილიანმა ოჯახმა.

მრავალშვილიანი ოჯახების დახმარების ქვეპროგრამის ფარგლებში მრავალშვილიანი ოჯახებისათვის მოხმარებული ელექტრო ენერჯის თანადაფინანსებით ისარგებლა 128 ოჯახმა.

სულ: დახარჯულმა თანხამ შეადგინა 251429,36 ლარი.

7. ქვეპროგრამა „სარიტუალო დახმარება“:

ქვეპროგრამის ბიუჯეტი 10000 ლარი.

ქვეპროგრამის ფარგლებში ხორციელდება ქალაქ ქუთაისში რეგისტრირებული გარდაცვლილი ვეტერანების დასაფლავების ხარჯის ანაზღაურება, ერთჯერადად 300 (სამასი) ლარის ოდენობით.





ქვეპროგრამა ასევე გულისხმობს ქალაქ ქუთაისში რეგისტრირებული პირების სარიტუალო მომსახურებას, რომლებიც გარდაიცვალნენ „კოვიდ-19“-ის დიაგნოზით სამედიცინო დაწესებულებაში, ერთჯერადად 300 (სამასი) ლარის ოდენობით.

დახმარებით ისარგებლა 6-მა ბენეფიციარმა.

სულ: დახარჯულმა თანხამ შეადგინა 2100 ლარი.

8. ქვეპროგრამა „სოციალური ღონისძიებები“:

ქვეპროგრამის ბიუჯეტი 903000 ლარი.

ქვეპროგრამა ითვალისწინებს გარკვეული კატეგორიის ღვაწლმოსილი, დამსახურებული და სოციალურად დაუცველი პირებისათვის ტრადიციულ დღესასწაულებთან და ღირშესანიშნავ თარიღებთან დაკავშირებით სხვადასხვა შინაარსის ღონისძიებების მოწყობას.

დახმარებით ისარგებლა 57-მა ბენეფიციარმა, მათ შორის: 2004 წლის ქართულ-ოსური კონფლიქტისა და 2008 წლის 8 აგვისტოს ომებში დაღუპული გმირების ოჯახები – 9; ავღანეთის ომის მონაწილეები – 47; 100 წლის ბენეფიციარი – 1.

სულ: დახარჯულმა თანხამ შეადგინა 386953 ლარი.

შენიშვნა: მ/წელს გადახდილ იქნა 2023 წლის საახალწლო სასაჩუქრე ბარათების მომსახურების თანხა – 361900 ლარი.

9. ქვეპროგრამა „სოციალურად დაუცველი ოჯახების ყოფითი პირობების გაუმჯობესების ხელშეწყობა“:

ქვეპროგრამის ბიუჯეტი 165000 ლარი.

აღნიშნული ქვეპროგრამა ითვალისწინებს სოციალურად დაუცველი, 70 000-მდე სარეიტინგო ქულის მქონე, ოჯახების მიერ მოხმარებული ელექტრო ენერჯის ღირებულების თანადაფინანსება, სულადობის მიხედვით და საყოფაცხოვრებო ნარჩენების გატანისათვის საჭირო თანხების დაფინანსებას.

ბენეფიციართა იდენტიფიცირება ხორციელდება სოციალური მომსახურების სააგენტოს მონაცემთა ბაზის საფუძველზე.

დახმარებით ისარგებლა 2136-მა ბენეფიციარმა.

სულ: დახარჯულმა თანხამ შეადგინა 21732 ლარი.

10. ქვეპროგრამა „განსაკუთრებული საჭიროების მქონე პირთა თანადგომა“:

ქვეპროგრამის ბიუჯეტი 170000 ლარი.

ქვეპროგრამა ითვალისწინებს ქალაქ ქუთაისში რეგისტრირებულ (მცხოვრებ) 18 (თვრამეტი) წლის ბენეფიციარს, რომელიც იმყოფებოდა სახელმწიფო მზრუნველობაში და სრულწლოვანების გამო შეუწყდა სახელმწიფოს მხრიდან მომსახურება. დახმარება ბენეფიციარზე – თითოეულ რეინტეგრირებულ ბავშვზე – შეადგენს თვეში 200 ლარს.

ჰემოდიალიზზე მყოფი პირების, მუდმივად სამკურნალო დაწესებულებაში ტრანსპორტირებისა და სხვა აუცილებელი საჭიროებების დაკმაყოფილების მიზნით დახმარება შეადგენს თვეში 100 ლარს.

დახმარებით ისარგებლა 115-მა ბენეფიციარმა, მათ შორის 95-მა ჰემოდიალიზზე მყოფმა პირმა და რეინტეგრირებულმა 20-მა ბავშვმა.

სულ: დახარჯულმა თანხამ შეადგინა 25900 ლარი.

11. ქვეპროგრამა „შეზღუდული შესაძლებლობების მქონე ბავშვთა ჰიგიენური საშუალებებით უზრუნველყოფა“:

ქვეპროგრამის ბიუჯეტი 145000 ლარი.



ქვეპროგრამით მოსარგებლე ბენეფიციარები არიან სახელმწიფო პროგრამით „ბავშვთა ადრეული განვითარებისა“ და „დღის ცენტრის“ მომსახურებით მოსარგებლე ქალაქ ქუთაისში რეგისტრირებული შეზღუდული შესაძლებლობის სტატუსის მქონე:

ა) 0-5 წლის ბავშვები;

ბ) 6-დან 18 წლამდე ასაკის ბავშვები, რომელთა ოჯახების სოციალური სარეიტინგო ქულა არ აღემატება 120000-ს;

გ) მძიმე და ღრმა გონებრივი განვითარების შეფერხების მქონე შშმ ბავშვთა „დღის ცენტრის“ ბენეფიციარები.

მათთვის უმთავრესი საჭიროების ჰიგიენური საშუალებებით, კერძოდ, ბავშვის ჰიგიენური საფენებითა და სველი ხელსახოცებით უზრუნველყოფა.

დახმარებით ისარგებლა 215-მა ბენეფიციარმა.

სულ: დახარჯულმა თანხამ შეადგინა 32016 ლარი.

12. ქვეპროგრამა „კოხლეარული იმპლანტით მოსარგებლე ბენეფიციართა დახმარება“:

ქვეპროგრამის ბიუჯეტი 18000 ლარი.

ქვეპროგრამა ითვალისწინებს აბსოლუტური სიყრუს მქონე და ყრუ-მუნჯი ბავშვებისათვის სახელმწიფო პროგრამის ფარგლებში გაკეთებული ოპერაციის შემდგომ, კოხლეარული იმპლანტით მოსარგებლე ქალაქ ქუთაისში რეგისტრირებული/მცხოვრები 0-18 წლამდე არასრულწლოვანი პირების ფუნქციური დამოუკიდებლობის ხარისხის გაუმჯობესებას და საზოგადოებაში ინტეგრაციის ხელშეწყობას.

ქვეპროგრამის ფარგლებში კოხლეარული იმპლანტის აპარატის შეუფერხებელი ფუნქციონირებისათვის საჭირო ნაწილების შეძენის თვალსაზრისით, ბენეფიციარებს გაეწიათ დახმარება. ანაზღაურდა კვების წყაროსათვის საჭირო ელემენტის ღირებულება – თვეში 95 ლარის ოდენობით და პროცესორისა და მიკროფონის შემაერთებელი სადენის ღირებულება – ექვს თვეში ერთხელ, 150 ლარის ოდენობით.

დახმარებით ისარგებლა 8 ბენეფიციარმა.

სულ: დახარჯულმა თანხამ შეადგინა 2649,5 ლარი.

13. ქვეპროგრამა „ავთვისებიანი სიმსივნით დაავადებულ პირთა თანადგომა“:

ქვეპროგრამის ბიუჯეტი 65000 ლარი.

ქვეპროგრამის ფარგლებში 0-18 წლამდე ასაკის ავთვისებიანი სიმსივნით დაავადებულ ბავშვებს გაეწიათ მატერიალური დახმარება, თითოეულს – თვეში 200 ლარის ოდენობით.

დახმარებით ისარგებლა 28 ბენეფიციარმა.

სულ: დახარჯულმა თანხამ შეადგინა 16400 ლარი.

14. ქვეპროგრამა „შინმოვლა“:

ქვეპროგრამის ბიუჯეტი 75000 ლარი.

ქვეპროგრამით მოსარგებლე პირები არიან სოციალურად დაუცველი ოჯახების მონაცემთა ერთიან ბაზაში ქალაქ ქუთაისში რეგისტრირებული 100001-მდე სარეიტინგო ქულის მქონე ოჯახის წევრები (შემდგომ, მოსარგებლე), რომელთათვისაც უძღურების შეფასების ბართელის კითხვარის მიხედვით მინიჭებული ქულა (შემდგომ, ბართელის ინდექსი) არ აღემატება 95 ერთეულს, არიან მწოლიარენი ან/და საჭიროებენ სამედიცინო მანიპულაციებს საცხოვრებელ ადგილზე. მოსარგებლეთა კატეგორია განისაზღვრება ბართელის ინდექსის მიხედვით: ა) I კატეგორია: ბართელის ინდექსი ნაკლებია 70 ერთეულზე; ბ) II კატეგორია: ბართელის ინდექსი მეტია, ან ტოლია 70 ერთეულისა და ნაკლებია 80 ერთეულზე; გ) III კატეგორია: ბართელის ინდექსი მეტია, ან ტოლია 80 ერთეულისა და არ აღემატება 95 ერთეულს.





ქვეპროგრამით გათვალისწინებული მომსახურების დაფინანსება ხორციელდება წლიური ვაუჩერის მეშვეობით, რომლის ღირებულება კატეგორიების მიხედვით შემდეგნაირია: ა) I კატეგორიას მიკუთვნებული პირისთვის: 660 ლარი; ბ) II კატეგორიას მიკუთვნებული პირისთვის: 540 ლარი; გ) III კატეგორიას მიკუთვნებული პირისთვის: 360 ლარი.

დახმარებით ისარგებლა 124-მა ბენეფიციარმა.

სულ: დახარჯულმა თანხამ შეადგინა 24331,60 ლარი.

15. ქვეპროგრამა „აუტიზმის სპექტრის დარღვევის მქონე ბავშვთა რეაბილიტაცია“:

ქვეპროგრამის ბიუჯეტი 1755000 ლარი.

ქვეპროგრამის ფარგლებში მომსახურება გაეწევათ ქალაქ ქუთაისში რეგისტრირებულ/ მცხოვრებ 2-17 წლის ჩათვლით ასაკის ბავშვებს, რომელთა ძირითადი დიაგნოზია („ICD-10“) კლასიფიკაციის მიხედვით განსაზღვრული განვითარების ზოგადი აშლილობები („F84.0“ – „F84.9“).

ქვეპროგრამის ფარგლებში, ანაზღაურდება სერვისის მიმწოდებელი ორგანიზაციების (სამი ორგანიზაცია) მიერ აუტიზმის სპექტრის დარღვევის მქონე ბავშვებისათვის გაწეული მომსახურება.

დახმარებით ისარგებლა 377-მა ბენეფიციარმა.

სულ: დახარჯულმა თანხამ შეადგინა 285558 ლარი.

16. ქვეპროგრამა „შეზღუდული შესაძლებლობის მქონე პირთა საზოგადოებაში ინტეგრაციის ხელშეწყობა“:

ქვეპროგრამა ითვალისწინებს: შეზღუდული შესაძლებლობის მქონე პირთა საზოგადოებაში ინტეგრაციის მიზნით შშმ პირთა და/ან მათი წარმომადგენელი ორგანიზაციების პროექტების დაფინანსება/თანადაფინანსებას. კონკურსის წესის შესაბამისად შეირჩევა სოციალური მეწარმეობის განვითარებაზე განათლებასა და დასაქმებაზე ორიენტირებული პროექტები.

ქვეპროგრამის ბიუჯეტი 350000 ლარი.

ამჟამად გამოცხადებულია კონკურსი პროექტების წარმოდგენაზე.

17. ქვეპროგრამა „შეზღუდული შესაძლებლობის მქონე პირთა და მიუსაფარ ბავშვთა საჭიროებებზე მომუშავე ორგანიზაციების ფუნქციონირების ხელშეწყობა“:

ქვეპროგრამის ბიუჯეტი 95200 ლარი.

ქვეპროგრამის მიზანია ქალაქ ქუთაისში მოქმედი 0-18 და 18 წლის ზემოთ ასაკის შეზღუდული შესაძლებლობის მქონე ბენეფიციარებსა და მიუსაფარ ბავშვთა საჭიროებებზე მომუშავე ორგანიზაციების ფუნქციონირების ხელშეწყობა. საანგარიშო პერიოდში, განხორციელდა მომსახურების მიმწოდებელი 7 ორგანიზაციისათვის თანადაფინანსების პრინციპით კომუნალური ხარჯების (ელექტრო ენერგია, ბუნებრივი აირი და წყალი). მათ შორის 6-დან 18 წლამდე მძიმე და ღრმა გონებრივი განვითარების შეფერხების მქონე შშმ ბავშვთა დღის ცენტრის ფუნქციონირების ხელშეწყობის მიზნით, ბენეფიციართა ტრანსპორტირების, განმავითარებელი და სხვა საშუალებების ხარჯების ანაზღაურება.

დახმარებით ისარგებლა 7-მა ორგანიზაციამ.

სულ: დახარჯულმა თანხამ შეადგინა 26519,45 ლარი.

18. ქვეპროგრამა „მარტოხელა მშობელთა დახმარება“:

ქვეპროგრამის ბიუჯეტი 45000 ლარი.

ქვეპროგრამის მიზანია ქალაქ ქუთაისში მცხოვრები (რეგისტრირებული) მარტოხელა მშობლის სტატუსის მქონე პირთა ოჯახების მიერ მოხმარებული კომუნალური გადასახადების – ელექტრო ენერჯის, წყლის, ცენტრალური



აირის ღირებულების თანადაფინანსება 30 ლარის ოდენობით. ქვეპროგრამა „სოციალური ღონისძიებების“ ფარგლებში ბენეფიციარებს სააღდგომოდ გადაეცათ 100 ლარის ღირებულების სასაჩუქრე ბარათები.

დახმარებით ისარგებლა 142-მა ბენეფიციარმა.

სულ: დახარჯულმა თანხამ შეადგინა 6885 ლარი.

19. ქვეპროგრამა „ოჯახში ძალადობის მსხვერპლთა დახმარება“

ქვეპროგრამის ბიუჯეტი 4000 ლარი.

ქვეპროგრამის მიზანს წარმოადგენს სსიპ „ადამიანთ ვაჭრობის (ტრეფიკინგის) მსხვერპლთა, დაზარალებულთა დაცვისა და დახმარების სახელმწიფო ფონდის“ სტრუქტურული ერთეულების, ოჯახში ძალადობის მსხვერპლთა მომსახურების დაწესებულებაში (თავშესაფარში) მყოფი პირის/ოჯახის თავშესაფრის დატოვების შემდეგ ფინანსურ დახმარება, რომელიც განისაზღვრება 200 ლარის ოდენობით ყოველთვიურად 1 წლის განმავლობაში.

დახმარებით ისარგებლა 2-მა ბენეფიციარმა.

სულ: დახარჯულმა თანხამ შეადგინა 800 ლარი.

20. ქვეპროგრამა „საქართველოს „SOS ბავშვთა სოფლის“ მიერ განხორციელებული პროექტის – „დღის ცენტრის“ ბენეფიციარების დახმარება“

ქვეპროგრამის ბიუჯეტი 32500 ლარი.

ქვეპროგრამის ფარგლებში ბავშვების სოციალური დახმარებისა და მათი ოჯახების გაძლიერების მიზნით, ქალაქ ქუთაისის მუნიციპალიტეტის მერიასა და ასოციაცია საქართველოს „SOS ბავშვთა სოფელს“ შორის გაფორმებული ურთიერთშეთანხმების მემორანდუმის საფუძველზე ხდება საქართველოს „SOS ბავშვთა სოფლის“ მიერ განხორციელებული პროექტის („დღის ცენტრის“ ბენეფიციარების დახმარება) დაფინანსება, რომლის ფარგლებში ფინანსდება ქალაქ ქუთაისში რეგისტრირებული 12-დან 36 თვემდე ბავშვების დღის ცენტრში მომსახურება: კვება და ჰიგიენური საშუალებები;

დახმარებით ისარგებლა 20-მა ბენეფიციარმა.

სულ: დახარჯულმა თანხამ შეადგინა 6295,03 ლარი.

21. ქვეპროგრამა „გადაუდებელი რეაგირება“:

ქვეპროგრამის ბიუჯეტი 450000 ლარი.

ქვეპროგრამის ფარგლებში მომსახურების სერვისი მიეწოდებათ ქალაქ ქუთაისში რეგისტრირებულ და ფაქტობრივად მცხოვრებ კრიზისულ მდგომარეობაში მყოფ ოჯახებს, რომელთა წევრები საჭიროებენ გადაუდებელ პირველად დახმარებას.

დახმარებით ისარგებლა 144-მა ბენეფიციარმა მათ შორის სოციალურ საკითხთა სამსახურის მიერ გაეწია მატერიალური დახმარება 89 ბენეფიციარს, ხოლო 55 ბენეფიციარს გამოკვეთილი საჭიროებების მიხედვით სამუშაო ჯგუფის გადაწყვეტილებით გაეწიათ სხვადასხვა სახის დახმარება.

სულ: დახარჯულმა თანხამ შეადგინა 75116,24 ლარი.

22. ქვეპროგრამა „მხედველობით მკვეთრად შეზღუდული შესაძლებლობის მქონე პირებისათვის ტიფლო-ტექნიკური აპარატების შეძენა“:

ქვეპროგრამის ბიუჯეტი 10000 ლარი.

ქვეპროგრამის ფარგლებში ფინანსდება მხედველობით მკვეთრად შეზღუდული შესაძლებლობის მქონე პირებისათვის ტიფლოტექნიკური აპარატების – ხმოვანი წნევისა და შაქრის საზომი აპარატების შეძენა, ამჟამად, მიმდინარეობს სატენდერო დოკუმენტაციის მომზადება მომსახურების შესყიდვას





23. ქვეპროგრამა „გენდერული ნიშნითა და ოჯახში ძალადობის მსხვერპლი ქალებისათვის ფსიქიატრიული სერვისებით უზრუნველყოფა“:

ქვეპროგრამის ბიუჯეტი 10000 ლარი.

ქალაქ ქუთაისში რეგისტრირებული გენდერული ნიშნითა და ოჯახში ძალადობის მსხვერპლი ქალები და გოგონები, რომლებიც საჭიროებენ ფსიქიკური ჯანმრთელობის სერვისებში ჩართვას. ქვეპროგრამის მომსახურების მიმწოდებელს წარმოადგენს ა(ა)იპ „წამების მსხვერპლთა ფსიქო-სოციალური და სამედიცინო რეაბილიტაციის საქართველოს ცენტრი“ („GCRT“), რომელიც პროექტის „ქუთაისის მუნიციპალიტეტში მცხოვრები ძალადობის მსხვერპლი ქალების ფსიქიკური ჯანმრთელობის სერვისებით უზრუნველყოფა“ ფარგლებში განახორციელებს ქალაქ ქუთაისის მუნიციპალიტეტში მცხოვრები გენდერული ნიშნით და ოჯახში ძალადობის მსხვერპლი ქალებისა და გოგონებისათვის ფსიქიკური ჯანმრთელობის სერვისის მიწოდებას. კერძოდ, ფსიქოლოგის, სოციალური მუშაკის მომსახურებას, ასევე ფსიქიატრის კონსულტაციას და საჭიროების შემთხვევაში, ფსიქიატრის მიერ დანიშნული მედიკამენტებით უზრუნველყოფას, რაც განხორციელდება ქუთაისის მერიის წილობრივი ფინანსური მხარდაჭერით, რომელიც განისაზღვრება 10000 (ათი ათასი) ლარის ოდენობით. ქვეპროგრამის ფარგლებში დაფინანსდება არაუმეტეს 20 ბენეფიციარი. ბენეფიციარების ქვეპროგრამაში ჩართვა: სერვისში რეფერირებას მოახდენს განმახორციელებელი - ქუთაისის მუნიციპალიტეტის მერიის სოციალურ საკითხთა სამსახური, ხოლო ამის შემდგომ „GCRT-ის“ ქუთაისის სარეაბილიტაციო გუნდი იმოქმედებს შესაბამისად.

გაფორმებულია თანამშრომლობის მემორანდუმი.

24. ქვეპროგრამა „სოციალურად დაუცველ ოჯახებში შეძენილ ახალშობილზე ერთჯერადი დახმარება“:

ქვეპროგრამის ბიუჯეტი 5000 ლარი.

ქვეპროგრამა ითვალისწინებს ქალაქ ქუთაისში არანაკლებ ბოლო ერთი წლის მანძილზე ფაქტობრივად მცხოვრებ სოციალურად დაუცველ ოჯახებში შეძენილ ახალშობილზე ფინანსურ დახმარებას.

დახმარებით ისარგებლა 1-მა ბენეფიციარმა.

სულ: დახარჯულმა თანხამ შეადგინა 500 ლარი.

25. ქვეპროგრამა „ბავშვიანი ოჯახების ეკონომიკური გაძლიერება“:

ქვეპროგრამის ბიუჯეტი 130000 ლარი.

ბავშვიანი ოჯახების ეკონომიკური მხარდაჭერის ქვეპროგრამის მიზანია ბავშვის უფლებათა კოდექსის მოთხოვნათა და არსებული გამოწვევების საპასუხოდ, პროგრამის მონაწილე ბავშვიანი ოჯახების ეკონომიკური უსაფრთხოების, ასევე, ოჯახების მიერ მიკრო და მცირე მეწარმეობის დაწყების ან არსებულის გაფართოება გადაიარაღებისათვის ხელშეწყობა, რათა, ამ გზით შემცირდეს ოჯახების ეკონომიკური მდგომარეობის უარყოფითი გავლენა ბავშვის განვითარების სხვადასხვა ასპექტებზე.

ქვეპროგრამით მოსარგებლეები არიან ქალაქ ქუთაისში რეგისტრირებული და მცხოვრები მრავალშვილიანი ოჯახები, ასევე მოწყვლად მდგომარეობაში მყოფი ბავშვიანი ოჯახები, თუ ქვემოთ ჩამოთვლილი სამიზნე ჯგუფიდან, სულ მცირე, ორს მაინც აკმაყოფილებს:

1. სოციალურად დაუცველი ბავშვიანი ოჯახების მონაცემთა ერთიან ბაზაში დაფიქსირებული 120 001-მდე სარეიტინგო ქულის მქონე პირები.

2. გადარიბების მაღალი რისკის წინაშე კრიზისულ მდგომარეობაში მყოფი ბავშვიანი ოჯახები (მუშაკის დასკვნის საფუძველზე).

3. ერთ-ერთი მშობელი, რომელიც დამოუკიდებლად ასრულებს მშობლის ფუნქციებს.



- 4. ოჯახები, რომლებსაც ჰყავთ სუსტი თანადგომის ქსელი (სოციალური მუშაკის დასკვნის საფუძველზე).
- 5. ბავშვნიანი ოჯახები, სადაც ერთი მშობელი კანონთან კონფლიქტშია.

ქვეპროგრამის განხორციელება მიმართულია ბავშვნიანი ოჯახებისათვის გრძელვადიან მხარდაჭერაზე, რომელიც მოიცავს სამ კომპონენტს. კერძოდ, ქვეპროგრამის მონაწილე ოჯახებთან ბიო-ფსიქო-სოციალური მიდგომებით მოხდება სოციალური მუშაკების ჩართულობა, ოჯახის ეკონომიკური და პოზიტიური მშობლობის კუთხით გაძლიერება.

ამჟამად, მიმდინარეობს გარე წყაროდან მომსახურების მიმწოდებელი ორგანიზაციის შესარჩევი კონკურსის გამოცხადების პროცესი.

26. ქვეპროგრამა „ბავშვის განვითარების ხელშეწყობა“:

ქვეპროგრამის ბიუჯეტი 20000 ლარი.

ქვეპროგრამით მოსარგებლე ბენეფიციარებს მიეკუთვნებიან, ქალაქ ქუთაისში რეგისტრირებული და მცხოვრები ბავშვები.

ბავშვის განვითარების ხელშეწყობი ქვეპროგრამის მიზანია ბავშვთა კოდექსის მოთხოვნათა და ბავშვთა უფლებების მიმართულებით არსებული გამოწვევების საპასუხოდ მოწვევად ოჯახებში მცხოვრები ბავშვების კოგნიტიური და ფიზიკური განვითარების ხელშეწყობა. ქვეპროგრამის ფარგლებში ოჯახის მხარდაჭერა განხორციელდება ბავშვის ასაკის თავისებურებების გათვალისწინებით, ადრეული და შუა ასაკის ბავშვებისათვის, ბავშვის განვითარების ხელშეწყობი საშუალებებით. თითოეული ბენეფიციარისათვის დახმარება განისაზღვრება არაუმეტეს 150 ლარის ღირებულების განმავითარებელი საშუალებებით.

ამჟამად, მიმდინარეობს სატენდერო დოკუმენტაციის მომზადება მომსახურების შესყიდვაზე.

27. ქვეპროგრამა „პირველი ტიპის შაქრიანი დიაბეტით დაავადებულ ბავშვთა დახმარება“:

ქვეპროგრამის ბიუჯეტი 85200 ლარი.

ქვეპროგრამა ითვალისწინებს ქალაქ ქუთაისში რეგისტრირებული პირველი ტიპის შაქრიანი დიაბეტით დაავადებულ 0-დან 18 წლამდე პირთა ფინანსურ დახმარებას, მკურნალობისთვის საჭირო, ჯანსაღი კვების უზრუნველყოფის ხელშეწყობის მიზნით.

დახმარებით ისარგებლა 49 ბენეფიციარმა

სულ: დახარჯულმა თანხამ შეადგინა 9500 ლარი.

28. ქვეპროგრამა „HER-2“ რეცეპტორ – დადებითი ძუძუს კიბოს სამკურნალო მედიკამენტებით დახმარება“:

ქვეპროგრამა ითვალისწინებდა ძუძუს კიბოს მკურნალობის ფინანსური ხელმისაწვდომობის გაზრდას და ამ დიაგნოზის მქონე პირთა სიცოცხლის გახანგრძლივება/განკურნებას. ქვეპროგრამით სარგებლობდნენ ქალაქ ქუთაისში რეგისტრირებული ადრეული ძუძუს „HER-2“ რეცეპტორ-დადებითი და მეტასტაზური კიბოს დიაგნოზის მქონე პირები, რომლებიც სარგებლობდნენ რეფერალური მომსახურების სახელმწიფო პროგრამის ფარგლებში მედიკამენტებით: (ჰერცეპტინი) ტრანსტუზუმაბი, პერჯეტა (პერტუზუმაბი) და ფესგო.

დახმარებით ისარგებლა 24-მა ბენეფიციარმა (2023 წელს გაცემული საგარანტიო ბარათების საფუძველზე თანხის ანაზღაურება განხორციელდა 2024 წელს).

29. ქვეპროგრამა „გლავკომით დაავადებულ პირთა სამკურნალო საშუალებებით უზრუნველყოფა“:

ქვეპროგრამით ისარგებლებენ: ქალაქ ქუთაისში რეგისტრირებული და სოციალურად დაუცველი ოჯახების მონაცემთა ერთიან ბაზაში რეგისტრირებული მარტომცხოვრები პენსიონერები და შეზღუდული შესაძლებლობის მქონე პირები.





მქონე გლავუკომით დაავადებული პირები. ბენეფიციარები ბენეფიტს მიიღებენ წელიწადში ორჯერ, 50 ლარის ღირებულების მატერიალიზებული ვაუჩერით, რომლითაც დაფინანსდება ანტიგლავუკომატოზური პრეპარატები.

**ბავშვის უფლებების დაცვისა და მხარდაჭერის განყოფილების მიერ გაწეული საქმიანობა**

2024 წლის 1 იანვრიდან 2024 წლის 1 აპრილამდე ბავშვის უფლებების დაცვისა და მხარდაჭერის განყოფილებაში მიღებული იქნა 44 განცხადება და შეფასებული იქნა 84 ბავშვი.

მათ მიმართ გატარდა შემდეგი სახის ღონისძიებები:

ქუთაისის მუნიციპალიტეტის მერიის სოციალურ საკითხთა სამსახურის გადაუდებელი რეაგირების ქვეპროგრამის ფარგლებში განაცხადი გააკეთა 50-მა მოქალაქემ, სულ განხორციელდა 49 ბავშვის შეფასება.

სსიპ „სახელმწიფო ზრუნვისა და ტრეფიკინგის მსხვერპლთა, დაზარალებულთა დახმარების სააგენტოდან“ შემოვიდა 2 შეტყობინება, შეფასდა 3 ბავშვი.

თვითმომართვა განხორციელა 6-მა მოქალაქემ და შეფასდა 13 ბავშვი;

საქართველოს პარლამენტიდან შემოსული წერილის საფუძველზე შეფასდა 1 ბავშვი;

საქართველოს პრეზიდენტის ადმინისტრაციიდან შემოსული წერილის საფუძველზე შეფასდა 3 ბავშვი;

მეორე დონეზე- სოციალური მუშაკები ინდივიდუალური მხარდაჭერის გეგმის მიხედვით მონიტორინგს ახორციელებენ 55 ბავშვთან.

„ინიციატივა სოციალური ცვლილებებისთვის“ (ISC) ორგანიზაციის მიერ, „ტექნიკური მხარდაჭერა მუნიციპალური სოციალური მუშაობისა და სოციალური მომსახურებების შესწავლისა და კონცეპტუალიზაციისათვის“ ფარგლებში შექმნილი მშობელთა განათლების საბაზისო ტრენინგ-მოდულის გათვალისწინებით, მიმდინარე წლის მარტის თვეში, სოციალურმა მუშაკებმა ფასილიტატორობა განხორციელეს 4 შეხვედრაზე 6 სესიის მასალის საფუძველზე. აღნიშნული ტრენინგ-მოდული გულისხმობდა მშობლების ჯგუფთან ბავშვის აღზრდისა და განვითარების საბაზისო საკითხებზე საგანმანათლებლო სამუშაოს. პროექტი განხორციელდა გაეროს ბავშვთა ფონდისა („UNICEF“) და ევროკავშირის მხარდაჭერით.

შენიშვნა: წინამდებარე ანგარიში, 2024 წლის 24 აპრილს, ქალაქ ქუთაისის მუნიციპალიტეტის საკრებულოს 30-ე სხდომაზე წარმოადგინა ქალაქ ქუთაისის მუნიციპალიტეტის მერიის პირველადი სტრუქტურული ერთეულის – სოციალურ საკითხთა სამსახურის ხელმძღვანელმა, ვარლამ გობეჯიშვილმა.

საკრებულოს თავმჯდომარე

ირაკლი შენგელია

